

Литература шоркар

# Кедра Митрейлэн ошмесэз жильыра

Удмуртиын «Литература шоркар — 2023» луиз Эгра ёрос. Та туж зеч муг Эгра музъем вылын вордскем писательслэн асьме литератураын интызы сярысь вераськыны. Кенешискомы та ёросын ик вордйськем филология наукаосья кандидатэн, «Творческий феномен Кедра Митрея: заметки литературоведа» изданилэн автореныз Светлана СКОПКАРЁВАЕН.

— Светлана Леонидовна, мар сётэ ёрослы литература шоркар луон?

— Мынам чакламея — со дан но, бадзым кыл кутон но. Та ним кулэ каре мур малпаськонэз но эскеронэз: мар луэ ёросын, кызы азинске гожьяськисьслэн творчествозы. Вераны кулэ, соос Эгра пальёсын ичи өвёл. Тросэз гожьяло кылбурьёс, кылдэ проза, печатласко вьль бичетьёс. Но книга потгон — бадзым ужлэн огпалыз гинэ, асьмелы малпаськоно-эскероно, кыче инты басьтэ книга удмурт литератураын. Кызы со азинтэ калыкмылэсь лулчеберетсэ.

Эгралась Кедра Митрей нимо ёрос библиотека пёртэм ужрадъёс ортчытъя ини. Но, пумиськонъёс, адзытонъёс сяна, мед луоз на вьлэм аналитика. Куартолэзе Эграын бадзым ужрад ортчоз, отын чапак эскеромы-дунъяломы, кыче инты басьтэ Эгра ёрос удмурт литератураын.

— Эгра ёросысь потэм писательёс удмурт литератураез пёртэм сямен узырымтызы.

— Бен, котькудиз автор мае вьльзэ пыртйз. Кылсярысь, Пётр Усков фельтонъёс гожьяз Шамардан песятайлэн нимыныз. Кедра Митрей (Д. Корепанов) удмурт прозаез мытйз, шуыны луоз, нырысетй удмурт роман гожтйз. Афанасий Лужанин — нырысетйез басня гожьясь.



Тодосчи Светлана Скопкарёва Кедра Митрейлэсь творчествозэ эскере.

Генрих Перевозчиков — нырысетй тетралогилэн авторез. Лидия Чернова — Эгра ёросысь нырысетйез нылкышно кылбурчи, со гожьяз пинальёс понна. Солэн нылыз Татьяна Чернова — Удмуртиысь нырысетйез нылкышно кылбурчи, кудйз кутэмын вал Россиысь Писательслэн огазеяськонозы... Мон шумпотйсько, та писательслэсь мытэм ужзэс азинтйсьёс вань шуыса. Кылсярысь, «Поэтический дебют» сериын Ижын 2015-тй арын Эгра ёросысь туала гожьяськисьслэн «Журчит родник Кедра Митрея» бичетсы потйз. Отчы пыризы Максим Корепановлэн, Анатолий Никулинлэн, Мальвина Новиковалэн, Юрий Ворончихинлэн, Алексей Даниловлэн, Аркадий Чирковлэн, Ксения Сунгатуллиналэн, Александр Чубуковлэн, Тамара Банникова-валэн, Надежда Гололобовалэн но мукетъёслэн кылбурьёссы.

— Эгра ёрос шуоно ке, нырысь ик Кедра Митрейлэн нимыз тодэ лыктэ. Мар бордын солэн быдзалаез-кужыме?

— Кедра Митрей паймымон визьмо адыми вал. Со синмаськымон чылкыт но чебер вераськиз-гожьяськиз

Йёскалык библиотекалэн «Литература шоркар» (азьло нимаськиз «Литература нунальёс») проектэз улонэ пыча 2017-тй арысен. Озы Удмуртиын литература шоркарлы пөрмылйзы ни Алнаш, Можга, Пичи Пурга, Дэри ёросъёс но Сарапул город. Туэ та нимез нуллэ Эгра ёрос. Ар чоже Национальной библиотека но Эгра ёрос литературалы сйзем 50-лэсь уно ужрадъёс ортчытозы.

удмурт кылын но, зуч сямен но. Солэсь кылзэ лусьёно-волятоно ой вал. «Дитя больного века» автобиографической повестьсэ лыздзиськод но уд шодйськы, сое удмурт адыми гожтйз шуыса, сокем тунсыко чебер зуч кылын со гожтэмын.

Мыным потэ, Кедра Митрей литературной удмурт кылзэ кылдытйз. Со сомында экспедициосы ветлйз, юалляськиз, люказ, гожьяз уйпал но лымшор диалектёсты. Солэн тыршеменыз ик, удмурт кыл өз люкиськы кыкы, кызы мордваослэн эрзя но мокша кылёс луизы. Асьмелэн одйг литературной удмурт кылмы.

К. Митрей туж секыт улонэз ортчемын ук: Паймытэ солэн лулкужыме. Кылсярысь, Эгралась пыдын мынэм Казане духовной семинарие пырон понна. Кытысь сыче тодон-валан люкан мылкыдыз но тыршонэз пичи удмурт гуртысь потэм пияшлэн? 1937-тй арын, националист шуыса, сое янгыше уськыто но 10 арлы Колымае келяло. Кыче бадзым шуккет луэ янгыше уськытон, ссылае келян! Писатель 1947-тй арын дораз бертэ, но, ар ортчыса, сое нош ик пытсало. 1949-тй арын Кедра Митрей кулйз Новосибирск улосысь Чумаково черкогуртын ссылкаын. Яркыт но туж секыт улонэз ортчем адыми со.

— Писателез будэто-кыдато котырысьтыз адымиос но. Кинлэсь адзем кариз, дышетскиз меда гожьяськон устолыксэ азинтон понна Кедра Митрей?

— Литератураын аслэстыд сюрестэ, куарадэ шедьтыны капчи өвёл. Писатель аслэстыз устолыксэ ялан волятыны, муромытыны кулэ, со понна трос дышетсконо, лыздзиськоно, литература но творчество пушкын улоно. Кедра Митрейлэн но та ласянь дышетйсьёсыз вал. Кылсярысь, со туж трос тодон-валан басьтйз удмурт фольклорысь, озы ик

яратоно муртэзлы быззыны лэзьымтэ. Шудтэм яратон, муртлэсь вёсьсэ шодон Ю. Жадовскаялэн лирикаяз валтйсь инты басьтэ. Солэн кылбурьёсыз Россиын потйсь тодмо журналёсын печатласькизы, тодмо критикъёс соосты ушъяллызы. Валамон ини, Ю. Жадовскаялэн поэзиезлы Кедра Митрей синмаськемын вал. Писатель аслаз альбомаз солэсь куд-ог кылбурьёсэ гожтыса кельтэм. Кылсярысь, таچه чурьёсты:

*На голос твой душа моя  
молчит, —  
Заветы прежние с любовью  
хранит,  
И содрогается за участь  
человека,  
И страждет за тебя,  
дитя больного века.*

Тйни кытысь асэстэм вьлэм Кедра Митрей нырысетй повестезлы ним.

— Маин «Дитя больного века» произведение висьяське?

— Нырысь ик, Кедра Митрейлэсь азьвыл автобиографической жанрен удмурт писательёс өз гожьяськылэ. Таچه амалэн произведение кылдытон понна бадзым дйсьтон луыны кулэ, малы ке шуоно лыздзисьлы тон астэ быдэсак усыйськод. Автор татын героелэсь нимзэ но, фамилизэ но уг вошты, асьме азын усыйське Кедра Митрейлэн улонэз.

Собере солэн героез аспёртэм. Пёртэм шуг-секытёс пыр ортчыса, троссэ чидаса но, со улонэз яратйсь но дуньясь адыми кыле. «Дитя больного века» повестез лыздзйку, шуген оскиськод, Кедра Митрейлы 19 арес шуыса, уго паймиьскод солэн улон-вылонэз валамезлы, ваньзэ сактыны-синйылтыны быгатэмезлы. Паймиьскод солэн геры бордысен куткыса писатель, дышетйсь, тодосчи но кылысь кылэ берыктйсь дороз будэмезлы. Соин ик таچه текстёсты лыздзоно. К. Митрейлэн произведениосыз дышето, улонлэсь шогзэ-кузыйтсэ верьяса-вормыса, азылань мыныны но адыми луыны кулэ шуыса.



Удмуртиысь калык писатель, литературовед Александр Шкляев:

— Кедра Митрей сярысь трос гожтэмын Зоя Богомолвалэн «Опалённый подвиг батыра» книгаяз. Отчы пыртэмын солэн Геннадий пиезлэсь (К. Митрейлэн 8 нылпиез вал) интервьюзэ но. Кедра Митрей пилеш вал. Пиезлы со верам, кызы сое партизан отрядын ожмаськемез понна ыбыны султытйллям ни вьлэм. Соку куалектыса писательлэн вань йырсиез куашкаса бырем.